



Զահրատ Մեսրոպաբոյր

Խունկ կը բուրեն
Որդան կարմիր ու մագաղաթ կը բուրեն

Վանք կը բուրեն
Ապաշխարանք կը բուրեն
Ծոմ ու մեծ պահք ու ճգնութիւն կը բուրեն

Աւետարան կը բուրեն
Խաչ ու Նարեկ աղօթք ու ողբ ու չարական կը բուրեն

Մահ կը բուրեն
Հերոսամարտ ու նահատակ կը բուրեն

Արեւ ու արտ կը բուրեն
Վարդ ու սոխակ Սայեաթ Նովա ու Կոմիտաս կը բուրեն

Կեանք կը բուրեն
Վերագարթնում ու յաղթանակ կը բուրեն

Ուր որ ըլլան հողմացրի ուր որ գաղթեն վարդապետ
Քո տառերդ ազատութիւն կը բուրեն